

雪樵詩集四卷

光緒縣志著錄

此本甚難得詢其商孫俱見也



五子
雨
樂



一卯年十月廿六日

雪樵夫子于溧源本

院以此詩贈



嘉慶十二年歲在丁

卯此奉眉上塗抹不

堪欲是縣中老輩



序

詩之有派別也沿流而不知源數典而忘其祖末
 學之失也亦異議者之失也信耳而不信目知有
 今而不知有古人云亦云一唱百和雖強有力者
 且靡然相從而莫知所屆則甚矣詩之難言也福
 山鹿子雪樵學為詩有年既得見邱縣鄧松嵐觀
 察始悔其少作之不足存而聽命焉松嵐詩出於
 李少鶴刺史兄弟李高密產也地以人重於是學
 李詩者皆目之為高密派而世亦以此謂雪樵余
 與雪樵交且四五年見其為詩意必新而不腐詞
 必切而不泛每五字成則屹然如山之不可撼視
 若出之甚艱窘而實以自然得之要歸於所謂善
 題目佳境言不可刊置他處以是為才子之最而
 已其始實本於張文昌賈閔仙當日繼承而繁衍
 之者迄唐之世五代之初也聲歇響絕數百餘年
 少鶴兄弟復起而嗣續之遂以是為派別云爾余
 未及見少鶴兄弟其高弟子同里王侍御熙甫膠
 州宋學博步武及松嵐余既皆得友之而讀其詩
 乃今又得讀雪樵詩高密詩以躬行為根底以獨

得爲精詣視世之蕩檢踰閑詡詡然自命爲風雅者其賢不肖不可尺寸計矣雪樵偕余處朝城者二年又偕處利津者二年兩地皆無言詩者不譽之亦不毀之也今年游歷下出所有以問世而人且嘖嘖然有後言夫人得如高密師弟子足矣詩得如高密師弟子亦足矣願雪樵勉之而已何派別之有哉西江之宗少陵也不曰少陵而曰西江西崑之祖義山也不曰義山而曰西崑夫高密亦猶是也吁可怪也是爲序

序

二

嘉慶乙丑五月丙午寧州劉大紳

雪樵詩集一

福山鹿林松

過友人山村有贈

句語如錄

徑曲亂雲封。苔深鶴有踪。滿村花釀酒。一寺樹懸鐘。藥鼎泉邊洗。樵衣石上縫。感君此高卧。已作十年慵。

春日送別

唐宋一撰
好句如仙

芳草綠叢叢。王孫馬白駿。幾家寒食雨。十里落花風。獨水穿林遠。殘陽捲岸空。雲山恐寂寞。隨便寄

雪樵詩集一

詩筒

友人山堂

王摩詰後身

古色鬱蒼蒼。因山未有墻。偶聞花外語。早入竹邊堂。犬護燒丹鼎。蜂攢釀蜜房。夜來知雨過。梅子壓枝黃。

晚春送別

味外味

祇此一壺酒。送春兼送君。春歸斷芳草。君去隔停雲。岩靜樵還下。樹深鶯更聞。悵懷舊吟社。日暮雨紛紛。

神表之筆

清韻悠然

春晚過山寺

展好日

餞春南浦上。攜屐白雲莊。一磬鳴烟寺。千岩散夕陽。龍蟠潭水黑。僧飯野花黃。小坐尋歸去。旃檀十里香。

小游仙二首

層城千里玉樓斜。翠羽簾飄散曙霞。一曲紅笙春未覺。滿庭開遍碧桃花。

憶從阿母宴東皇。碧玉花邊捧壽觴。聽說還丹能換骨。背人偷喫紫瓊霜。

雪樵詩集一

二

廢寺

久已苔莓剝。此還風雨飄。鐘猶懸古樹。碑不記何朝。出鉢龍歸海。辭壇虎度橋。真空非有悟。煩惱恐難消。

海上古城

雨氣過山薄。潮聲出海長。廢城人不。住野菜著花黃。

古松

空山一卧龍。未敢鞭之起。百丈石潭高。風雷恐不

止

答友人以山村詩索和

大峰何奇絕。屹立作高拱。小峰如兒孫。羅列骨亦聳。其下亂雲堆。鳥道逼復壅。中有夕陽村。綠烟學泉涌。犬吠不見人。犢蹄穿麥隴。落花時撲菽。老樹或擁腫。山人詩中豪。和陶欲接踵。迫我桑柘間。單絲抽獨蠲。那知一效顰。三日心猶捧。

有訪不遇

憶君長閉關。祇此翠微間。隔嶺來相訪。何峰去未

雪樵詩集一

三

還濕雲紅蘚。徑香雨白蓮。灣愧我無緣。甚長懷吟

亂山

夏日獨居

薄薄涼衫子。草堂方獨居。此山中有我。一易外無書。蟬噪風生後。泉喧月上餘。抱琴石床坐。意境雜樵漁。

苦熱

天地為大爐。創始自盤古。炎帝司其橐。火雲生夏五。我性本宜寒。避熱如避虎。如何非金石。鑠之恐

出句雄壯

新款

不武安得破滄溟。鞭龍擊雷鼓。召還灌壇令。橫決
銀河浦。雨師既盪滌。封姨亦回舞。颯然天地清。快
於魚脫釜。高柳駐層陰。聽蟬日卓午。

早秋贈別

因樹結爲屋。未秋先有聲。無人作離別。對此亦凄
清。風雨飄蓮社。雲山唱渭城。誰能如上古。相視却
忘情。

晚晴

重下烟字

半岩秋雨晴。烟意晚將平。獨鳥衝烟起。閒雲背水

雪樵詩集一

四

行石寒山骨瘦。葉落樹身輕。未與孫登遇。長懷嘯
一聲。

海鏡亭

萬里無邊際。空明獨此亭。地天浮一碧。齊魯盪餘
青。旁射蛟龍氣。中盤島嶼形。何人正垂釣。烟雨滿
滄溟。

水城

丹崖天可摩。直下石陂陀。外使爭航海。巖城尚備
倭。登州水城舊。將軍船作馬。戰士鼓鳴鼉。始信固
名備。倭城。

別致不俗

超特

如鐵中原防守多

田橫寨

聞說蒼茫裏田橫寨尚存一時羞北面五百聚英
魂潮湧聲澎湃雲歸氣吐吞恐難將此意細與漢
高論

謁東坡先生祠像

喚回風雨倒滄波鞭起魚龍走白鼉此日鬚眉欲
飛動當年意氣想嵯峨鯨吞鰲擲沙門島玉潤珠
圓彈子渦再拜遺祠窮萬里青銅依舊未停磨

雪樵詩集一

五

丹崖觀潮

何年元氣始塊北吞吐雲溟滌埃圻我方絕壁問
龍宮潮聲怒起忽汾汜始疑六齶戴山出呼吸盤
辟相傾軋俄如疾走千人軍強弓勁矢欲穿札風
馳電激不一瞬地軸有聲互敲戛驚起雷公擊雷
鼓河伯怖死鐵山拔昔聞海色鋪青銅謂此空明
自磨刮潮來誰意改異觀倒立老蛟竄白獺望洋
不覺發長嘆作意塵衣一振刷岸然獨倚海門空

海天一點盤雕鶻

出句何神

哭叢魯峯

鳳嘯鸞吟海鶴呼。雲根石裂水泉枯。愁生鬼伯新
詩社。夢斷黃公舊酒壚。楊柳橋邊風信老。桃花岸
側雨聲粗。未知春事飄零盡。此日九原春到無。

野外有感

野棠花欲開。山鳥啼相向。誰家耕野田。驅牛古墓
上。古墓內何人。安知非將相。沒後土一抔。耕人不
能讓。我性素曠達。形骸久放浪。到此感今昔。夕陽
忽惆悵。那知不百年。誰能更少壯。鬱鬱馬鬣封。巖

雪樵詩集一

六

我對層嶂風雨滿。飄蕭樵牧雜吟唱。人墓我欲歔。歔
我墓誰悽愴。大笑歸去來。典衣沽村釀。醉卧草堂
空。長歌且一放。

有寄

記曾東海作仙游。忽引青鸞別祖洲。龍縞襪輪還
未得。青城幾度草堂秋。

題畫

岸上帘青三兩家。夕陽歸鴈落平沙。分明昨夜蕭
湘夢。一葉漁舟泊葦花。二首俱雅歌已極。

和友人山泉

何日鑿雲根。雲深泉到門。縱教穿徑曲。不作出山
渾。偶雜鳴琴響。微分洗硯痕。春來花正滿。誰記小
桃源。

春寒學李義山詩

縹渺仙風捲畫旗。紅笙曾約碧雲期。珠沉海底潮
歸早。星隔河源月上遲。榆莢有情空作雨。蓮根無
恨轉成絲。其爐紙帳何人見。夢怯春寒戀被池。

送春有懷二首

雪樵詩集

二

七

昨夜草堂空。新醅香一甕。不知春欲歸。風雨來相
送。

無計留春住。苦吟思去年。依稀還記得。送客柳橋
邊。

昨從南山來

昨從南山來。奔瀑如飛將。其下石查牙。倒立森兵
仗。水性不受石。怒起與石抗。一石一回波。一波一
震蕩。水石所生同。生不相讓。石勢未肯平。水鳴
乃益壯。歸去坐焚香。苦吟寄閒放。山館寂無聲。白

雲出青嶂

貧居有寄

家是長貧後。泉聲徑外莎。已穿床且坐。未盡墨還磨。量遇酒難小。論逢詩易苛。比來閒放久。數載一漁蓑。

晚過友人山館

筍鞋穿石叢。石盡覺山空。晚樹一蟬外。草堂疏雨中。破雲弄溪月。解帶引松風。他日還相憶。琴聲小徑東。

雪樵詩集二

月夜喜友人見訪

小住得佳境。晚涼天氣新。况逢青眼客。來訪素心人。談古風生頰。橫琴月滿身。宵分一舒嘯。爽籟起松筠。

讀史二首

欲人爭識奇男子。大澤幾年垂釣鉤。笑是客星方入奏。歸山無復著羊裘。雲山江上晚沉沉。爭說當年進飯心。獨惜王孫身已貴。曾無漂母却千金。

早秋聞蟬

蛻似學仙清似禪。秋來早是欲涼天。苦吟情思知何許。疏雨殘陽高樹邊。

舊日山館

記我曾容膝。雲蘿護石床。幾年空舊雨。此日獨山堂。蟬殼粘枯樹。蝸涎篆古墻。悵懷吟侶別。隔水滿殘陽。

雨夜卽事

守口如守瓶。養生如養樹。養樹養其根。尤宜防其

雪。蕉詩集一

九

蠹養生事亦然。才名恐自誤。西南風雨來。草堂凄以暮。感此坐懷人。抱琴如有遇。落葉深復深。蟲吟不知處。

秋日閒居

有屋秋光裏。閒居數口家。門聽山鳥啄。窗愛水雲遮。米貴餐松子。朋疏就菊花。幾回書懶讀。面壁數盤蝸。

秋晚有懷

昔我雲山屐。故人蘿薜衣。對床聽雨坐。分徑引泉

歸林靜。孤烟直。巖空晚。照微秋。光猶舊。日何處。掩
柴扉。

偶至山村

此地何人蹟。相傳幾代孫。亂峯堆屋角。一犬吠雲
根。有客菘堪剪。無花菊尚存。倘容築吟社。並設水
邊門。

大雪卽事

海風吹屋破。村雪壓墻高。犬餓蹲空竈。人寒擁舊
袍。移爐烘榸。煮茗讀離騷。誰憶孤燈夜。閒情固

雪樵詩集二

十

自豪

雪樵詩集二

福山鹿林松

薊州晚次

漠漠晚籠烟。新涼薊北天。
幾家響砧杵。一雁過幽燕。
病葉驚秋早。離人見月先。
如何折楊柳。長笛水樓邊。

過北平懷古

一水繞孤城。西風古北平。
關山來遠勢。砧杵散秋聲。
射虎人何處。穿雲馬獨行。
蒼茫正無極。邊鴈幾

雪樵詩集二

南征

長城

亂岫鎖岩堦。長城此望遙。
如何不風雨。古意自蕭蕭。
砧處關山月。鴈邊遼海潮。
當年飲馬窟。莫更問山樵。

寧遠客夜聞馬嘶

不道悲秋日。中宵馬亦嘶。
亂山盤塞迥。片月壓城低。
家遠漢關外。草枯遼海西。
蒼茫誰與話。曙近有餘淒。

答友人雨夜見懷

細讀寄來詩。言懷季女飢。夜殘聽雨後。春盡落花時。昔愧雲歸嶺。今慚鳥擇枝。平原君可繡。約共買新絲。

陌上桑

日出提籠早採桑。桑葉稀不共使君語。蠶飢待妾歸。

離別

離別日憔悴。芳顏漸已非。曉來羞對鏡。不敢望君歸。

雪樵詩集三

二

襄平有和二首

天上樓臺住列仙。人間城郭鎖寒烟。自從華表無歸鶴。水綠山青又幾年。

寂寂春歸暮雨時。碧山芳草苦吟詩。何人更唱新詞調。酌盡紅螺哭雪兒。

用李密事
密襄平人

雨夜感友人從湖南軍中

烈士從戎日。聲先壓楚江。合兵燒寨遠。單騎斫營雙。首惡憑繩繫。羣妖借劍降。偷安空自笑。吟夜雨。

邊窗

古鏃

耕者得遺鏃。言從古塞門。猶留殘血跡。半蝕土花痕。
樵下山城晚。雲沉野水昏。夜來聞鬼哭。知有未歸魂。

山寺有憶

不知翠微寺。一徑轉幽林。鐘磬幾聲出。雲山如許深。
泉香流石髓。苔綠襯松陰。却惜宗雷別。虎溪空此尋。

雪樵詩集三

三

楊柳枝送別

黃金爲葉玉爲枝。作意纏綿幾許絲。鴈齒橋平殘照晚。
陸郎何處繫斑騅。

無題

十里濛濛雨似烟。郎騎白馬玉爲鞭。妾家近住橫塘北。
楊柳東風婀娜邊。

月夜聞笛

天晚影悠悠。月明何處樓。懷人方子夜。聞笛忽清秋。
浦生風雨山城掛。斗牛莫須重入破。恐惹異

鄉愁

雨夜

雨夜荒村裏，濕雲深幾層。
客心飄落葉，蟲語聚疏燈。
砧響誰家杵，鐘鳴何寺僧。
苦吟偶題壁，滿袖冷如冰。

有贈

初雪黏枯樹，輕冰結遠河。
射雕穿塞出，探虎轉林過。
寒到身邊少，風生耳後多。
景宗在鄉日，此樂問如何。

雪樵詩集三

四

至開原

千古黃龍蹟，逢人問若何。
到來風雪裏，却喜酒家多。
城樹飛山雉，邊民吹海螺。
書生空自笑，側帽此吟哦。

讀劉松嵐先生詩

酒盡興亦盡，再沽傷我廉。
二語卽松嵐詩方知立品重，不

獨考詩嚴。況此烟霞什，更能風骨兼。
玉梅花影動，

讀竟月穿簾。

和人雪中山行

片片雪雲重。壓山山欲昏。凍鴟投樹立。飢虎占橋
蹲。人度石林影。馬盤冰岸痕。誰知酒家去。又過嶺
西村。

雪夜聞鐘

凍犬向空吠。一鐘何處聲。破寒出深樹。衝雪散孤
城。斷夢尋無迹。塵心暗自驚。開簾正子夜。雲隙月
斜明。

鐵嶺道中有憶

醉人春色挹婁西。細雨無聲鳥亂啼。偏是王孫歸

雪樵詩集三

五

去後鴛鴦湖上草。萋萋

湖在城西三十里

夏夜同茹果齋納涼

時在鐵嶺賽明府幕

晚涼新雨後。小坐草堂開。人倚蓮花幕。酒行荷葉
杯。月從東嶺上。風自北窻來。興洽橫吹笛。清陰轉
古槐。

錦縣贈明乙照明府

不道縣官衙。偏如處士家。堂空惟古徑。吏散滿槐
花。石鼎閒燒藥。泥爐自煮茶。時還來野老。款款話
桑麻。

薊州道中

遼海歸來欲白頭，涼蟬聲裡北平秋。
別山西去豈花滿，微雨瀟瀟過薊州。

一鴈

誰知秋欲老，一鴈水邊鳴。
避弋蕭條影，驚寒三兩聲。
疏鐘黃葉寺，微雨夕陽城。
莫觸離人夢，悠悠萬里情。

九日燕山

風雨重陽近，誰家菊正開。
懷人過燕市，把酒問金臺。

六

雪樵詩集二
臺落葉砧邊，下亂峯雲外。
堆蒼茫薊邱北，一鴈正飛來。

冬夜同族兄貧谷比部

天煖冬無雪，庭寒夜有霜。
一燈枯坐久，半椀苦茶香。
封竈留餘火，活人編效方。
乍聞動樓鶴，片月過西堂。

惜春詞

春花難久妍，春月不長圓。
妾自無春色，君當惜少年。

方字韻有不坐無益之義
此為我道之文詩中無之
沈寤已見心術

呈台侍郎

壯士欲弓強，佳人愛鏡光。一時托知己，千古有餘芳。
瓊島春雲白，瓊島春雲京中八景之一金臺落日黃。獨憐吟正苦，風雨夜浪浪。

杜薄州有贈

杜薄州南不北，關山難行不得。歲歲年年春草色，朝朝暮暮碧溪側。東風盡是懊惱聲，愁殺江南座中客。

送客出山海關

雪樵詩集三

七

是我曾遊地，迢迢君獨行。逢人問遼海，幾日出長城。塞古惟山色，秋高祗鴈聲。從今苦相憶，落葉晚烟平。

小笛弄

湘妃啼竹竹枯死，洞庭波冷吟龍子。龍子長吟龍女愁，岸上有山色。皆紫漸聽漸遠欲無聲，殘照鴉翻渺茫裏。夜來呼吸忽盤辟，鳳別鸞離悲未已。始破蒼烟出秋水，旋裂雲根迸石髓。織女銀河瀉滿天，一月西沉沉海底。不必離人亦淚流，家山况是

幾千里

老馬

自飲長城萬里歸。老來骨瘦草空肥。夜深射虎穿林過。猶記天山雪打圍。

為友人題春山居士小照

山容春寂寂。雲氣晝陰陰。但見雲舒卷。不知山淺深。有人居絕壑。面壁抱清琴。恐是卧龍輩。長懷梁甫吟。

又題錦縣春烟圖

雪樵詩集二

紫荆山色二凌烟。大凌小凌二水名如此春城別幾年。憶

得琵琶金捍撥。楊枝繫馬酒家眠。

歸家

林密舊村居。歸人倦鳥如。戀頭猶破帽。飽蠹剩殘書。籃重收巖果。厨香煮澗蔬。閒中貧亦好。晚坐苦吟餘。

聞台侍郎西謫遙寄

聞說疑傳謾。緣何出玉門。一心懸絕域。回首望中原。不有冰霜苦焉知。雨露恩三年重入覲。萬里莫

起句近律。意高。密派中時。不免少。參舌趣。便得張圖真。宰從是入于稍近耳。

須論

夜坐有懷

烈士懷知已。盟心由片言。但期酬壯志。不在報私恩。兀兀雲山迥。駸駸歲月奔。夜深方獨坐。落葉亂堆門。

林居

黃葉林間住。先人舊草廬。明知貧到骨。不使案無書。吟苦窻留月。炊遲厨待蔬。兒嬌識字晚。纔授一經餘。

雪樵詩集二

九

海上二首

海上漁人舟。一葉颯然蕤。笠滿身。輕潮來。不怕風。壽險撒網蛟龍脊。上行種一畝田家數口。縱教豐歲亦長飢。那知更有無田種。婦女隨潮拾蛤蜊。

秦碑

篆石之采說。李斯摧殘墮海已多時。當年縱火焚書盡。誰許秦家有斷碑。

對酒

曾見文衡山書五律一首
於長幅上未有一聯句後
教貧到骨不負日高眠
与此暖光後輝映

酒是長年藥。貧爲无妄粥。草堂方獨坐。風雨忽西來。拙覺天生就。數難人鑿開。送窮文懶作。浩唱盡餘杯。

冬夜

荒村井凍。轆轤索晚。厨薪短炊。烟薄樹低。屋角古
墻高。鴉啄瓦溝殘雪。落半瓊鐵冷。日無溫。瘦骨嶙
嶙。虎怒蹲。烈士當非凍。餓死提壺。夜打酒家門。

雪樵詩集三

福山鹿林松

春日會波樓有懷

城上春多雨。雨銷虹貫城。湖搖千樹影。樓滿衆泉聲。並岸漁舟繫。分橋酒擔行。長懷戴仲若。何處正聞鶯。

鐵公祠有感

一日忠魂萬古祠。明湖烟雨柳絲絲。傷心爭作閒遊地。誰憶孤城泣血時。

雪樵詩集三

春日書所見

名士軒中酒似泉。秋娘墓上草如烟。垂楊繫馬誰家子。錦帶吳鉤正少年。

湖上晚涼有待

渚晚烟痕靜。小涼生古亭。蓮香深貯月。湖影倒涵星。攜酒姑先酌。移舟還暫停。故人期未至。漁火隔橋青。

爲劉寄菴先生作

好女不艷妝。織織出素手。醜女多簪花花。多顏益。

醜卓哉潭西老。大隱在詩酒。當其屯未亨。坎珂亦
時有。獨爲松與柏。托根依蒼阜。冰雪無妖枝。青青
自長久。

有憶

海上仙姑道姓麻。記曾相識蔡經家。如何一話滄
桑後。望斷蓬萊隔暮霞。

卽事有寄

謂是故人至。山堂耳乍傾。敲門何剝剝。伐木應丁
丁。不覺推書起。還爲倒屣迎。杳然形影寂。一鳥啄

雪樵詩集三

二

林聲

灤口

環繞白雲灣。淺深秋意間。人家都近水。烟雨不離
山。酒擔緣隄轉。漁舟觸岸閒。二三吟侶在。停屐叩

柴關

贈王茂廬先生

謝客登山屐。陶家漉酒巾。去官餘本色。隨地得清
貧。天覺壺中大方傳。肘後神小松親。手種漸已看
龍鱗。

秋懷

烈士彈長劍。佳人理素琴。片時來萬古。一諾重千金。秋水芙蓉老。夜堂星斗深。誰知鴈聲外。抱膝獨長吟。

送別曲

烈士棄妻子。來與故人別。故人感分離。有柳未及折。誰家笛一聲。涼月忽已缺。河梁水不波。灞岸鴈飛絕。去去更無言。馬蹄響如鐵。

答友人九日鵲山之約

雪樵詩集三

三

久羨名山蹟。長懷著屐行。况聞攜菊釀。約此醉秋聲。地接幽燕迥。天垂海岱平。倘能遇扁鵲。更好話長生。

山僧

古畫比猶難。心知是懶殘。十年筇杖短。一領衲衣寬。咒水龍歸鉢。談經虎護壇。月明鐘鼓寂。就問白旃檀。

贈杜誠齋

種藥外無田。鵲華秋色邊。吟看杯在手。笑倚杖齊

肩屐重苔黏厚。笠輕荷補圓。每逢人便說。不信有神仙。

有答

水不期滄海。山何必岱宗。但須一邱壑。中有數長松。人可樵漁老。徑惟蘿薜封。時還語妻子。採藥白雲峯。

冬日過廢寺

剝落猶殘碣。雲巖最上層。如何尋古寺。大半繞枯藤。鶴啄陰崖雪。龍藏斷壑冰。時還問樵者。恐有隔

雪樵詩集三

四

朝僧

灤口春日

爛熳好風光。鵲華烟雨旁。千家分兩岸。一水在中央。帘影花邊市。鶯聲柳外堂。少年多不識。白馬紫游韉。

春日有贈

猶恨千金少。難酬一飯恩。未知無漂母。誰更識王孫。野水寒春郭。人烟淡古原。日尋酒家去。此意莫輕論。

是化工非
畫工也

題友人昌樂門雨中小景

綠楊陰裏釣魚舟。紅杏枝邊賣酒樓。最好淡烟籠
細雨。輕綃一幅小揚州。

無題

相思欲白頭。一見轉成羞。寶鏡分金鵲。風簾響玉
鉤。香殘灰未死。絲盡繭還抽。書寄青鸞去。雲深正
倚樓。

明湖春望一首

湖心亭子曲欄邊。搖艣去來沽酒船。漁唱一聲春

雪樵詩集三

五

水綠滿城楊柳七橋烟

昨夜東風吹綠蘋。鐵公祠外曉來勻。去年烟雨傷
心句。啼殺鶯聲又暮春。

訪友人居

草堂不知處。信步入疎林。未見人行跡。苔痕一寸
深。

古屋小如舟。閒居不用楫。微雨菜花香。滿園飛蝶

舊約

綵鸞曾許嫁文簫。白石青溪望未遙。舊約誰知歸紫鳳。芳心長使卷紅蕉。浮雲遮漢橫秋雨。鐵鎖沉江隔暮潮。一幅淚痕珠錯落。題封何日寄鮫綃。

早秋送別

早秋人欲別。微雨鴈行高。何處有知己。一身惟縵袍。山寒多簇簇。亭遠盡勞勞。爲訂他年約。且還傾濁醪。

夜來

夜來明月光。徘徊上東嶺。堂空不見人。犬吠槐花影。

雪樵詩集三

六

秋雨

入秋剛十日。九日雨淋淋。有屋多成漏。無雲不作陰。墻根飢鼠伏。葉底病蟲吟。又聽簷聲滿。山堂夜正深。

枯柳

此是相溫

枯柳何人種。年年送客行。誰知攀折盡。未了別離情。

情一鴈。天邊月。西風水上城。夜來聽玉笛。又作斷腸聲。

腸聲

追和寄菴先生游明湖二首

名士如星聚，唱酌雲水鄉。一時大吟社，千古小滄

浪。先生游明湖泊小滄浪自作鴈影流中泚鐘聲

散夕陽，悵余秋柳夢，空此憶漁洋。

往事嗟如夢，重來記五年。先生游明湖在乙卯之

歷下共 芰荷半湖，水楊柳滿城，烟人集，漁樵侶，虹

標書畫船，何當青笠子，陪從古亭邊。

秋日會波樓

一鴈影悠悠，雨晴城上頭。泛湖誰載酒，縱目獨登

雪樵詩集三

樓翠繞桑麻地，青餘海岱州。憶歸歸未得，又是故

園秋

騎牛客

有客舊蓑笠，倒騎牛背眠。看從溪口渡，牛背穩如

船

坐禪僧

禪坐無年月，人爭作畫看。衲衣生蘚厚，鉢水養龍

寒。塔影雲中直，松根徑外蟠。何當花雨後，一指破

疑團

古寺夜雨

夜雨空山裏風吹過石樓濕飄簾影重寒壓鴈聲
秋僧懶疏鐘斷燈昏古佛愁劃然長嘯過却似在
虛舟

讀寄菴先生詩

小吏催衙鼓簿書旁午時誰知千古下重見武功
詩鐵石無着色芷蘭多苦思剪燈一披讀深夜鬼
神知

生日自祝

雪樵詩集三

論年猶未老漸近老邊情舊墨磨長懶殘書記轉
生酒思留量飲路欲避橋行却笑比疇昔激昂心
較平

昨夜

昨夜殘燈僅似螢暗風吹雨冷吟屏誰家兒哭欲
腸絕阿母酣眠正未醒

傷王苟若

一生好奇節所得止清貧此日訪遺老如君能幾
人舊山猶暮雨新鬼已秋隣從此西風外長懷漉

酒巾

贈朱鏡泉先生

門外卽漁汀。漁歌把酒聽。琴蕉誰作譜。杖古自鐫銘。
放鶴山雲白。燒丹爐火青。草堂無客到。補注度人經。

訪朱介亭先生先寄以詩

聞說華陽洞。年年鎖翠微。衣殘荷更剪。坐定菊重圍。
高鶴琴招下。羣鵝字換歸。先生以書法名于歷下未知青笠子。可許扣雲扉。

雪樵詩集三

九

論交

青者松。白者水。海枯石爛無窮已。白犬寒。丹鷄死。
對面雲泥化。虎兇我聞結交須。到頭種樹擇地慎。
其始投我有桃報。有李谷風之詩誰爲此。

寄懷劉春山

出語無枝葉。論文燈夜挑。高谷嶽外月。遠漉海東潮。
林湧鐘聲出。天懸鴈影飄。草堂秋思苦。誰識爲龍雕。

有贈二首

連城聲價動秦關。完壁旋聞趙使還。未識無人曾
被別。誰能別眼看荆山。

離合總論情所鍾。雲山風雨自重重。豐城別後無
消息。畢竟延津有二龍。

雪樵詩集四

福山鹿林松

朝城謁寄菴先生

破帽歷長霜。囊詩謁武陽。縣衙似村舍。幕客盡田
裝。羹煮菘根細。茶烹雪水香。淵明歸未得。卽此亦
羲皇。先生於是年秋乞歸未得

寄菴先生署中有懷王子文耿希尹二吟客

聞有新城客。二客俱新城人敲雲作唱酬。草堂時一聚上

下幾千秋壇。坵今猶昔琴書去。不留感懷二松樹。

雪樵詩集四

相向立青虬

聞笛同寄菴先生

何處將爲別。有聲偏似筓。聽來當此夜。飛去又誰
家。天遠沉孤月。樹寒啼亂鴉。多應灞陵岸。折盡柳
條斜。

雪夜呈寄菴先生

苦倚詩爲命。半生將白頭。何人曾說項。此日獨依

劉雪墮。殘冬樹鐘疏。迥夜樓狂吟。爐火盡忘已。凍

茶甌

詠雪山呈寄菴先生

仙署夜來雪。峨眉忽倚欄。有誰同皎潔。獨此覺高寒。月影輕過易。塵踪暫上難。定知烹茗處。不厭幾回看。

石完璞索寄菴先生詩甚急先生曾有索詩

如索債之句命和卽贈石子二首

索詩如索債。刻意苦相求。祇恐千金諾。空成一筆勾。捧箋來異縣。磨墨侍高樓。竟惹潭西老。長吟笑不休。

雪樵詩集四

二

索詩如索債。未許少沉吟。縱有傾囊句。其如擊鉢心。欄晴明積雪。堂古靜幽琴。須憶推敲意。新題抵萬金。

題韋次廬遺稿

不作書生態。長吟猛虎行。蒼茫來雨氣。慷慨雜秋聲。海澗三山水。天荒五字城。潭西有知己。縱死亦崢嶸。

我亦依劉客。武陽吟雪餘。倘君能不死。今日定何如。風雨斯人別。雲山古夢疏。當年驅健筆。空此憶崢嶸。

鯨吐

除夕前一夜聞爆竹

客夜長吟猛虎行，黑雲如漆暗孤城。
誰家爆竹驚山鬼，先試春前霹靂聲。

春日客思

爲客長移縣，賣文還得貧。
有鸞啼遠樹，無酒駐殘春。
汲井泉通海，種花香到隣。
閒居舊村景，愁殺憶歸人。

利津呈寄菴先生

先生時爲武定司馬

雪樵詩集四

三

一水引烟流，城根漁唱幽。
斷雲猶帶雨，薄暑未成秋。
堂古蟬鳴樹，琴清月過樓。
懸知鸞嘯迴，祇作小仙遊。

贈耿希尹

從來有佳客，暗對抵名山。
况是相思久，偏逢不意間。
談深香篆裊，吟苦月痕彎。
何似披蓑笠，杳然雲水關。

晚晴寄劉愚溪海上

過雨天如洗，長河影倒垂。
堂空人獨坐，秋近月先

知海寺聞鐘久漁村罷釣遲潮聲壯螭嘴地可是
未眠時

利津郭外

仙句

郭外雨初晴緣堤止且行無山秋野大近水夕陽
清鴈老猶穿海鐘疏不隔城歸來見涼月已過女
牆明

畢笠江道人

道人幾甲子顏色尚如孩一杖化龍去千山騎虎
來久聞能禱雨今說更驅雷何日崑崙頂相從採

雪樵詩集四

四

藥回

觀書次寄菴先生韻

四十年來苦讀書光陰過眼轉成虛未曾食得神
仙字遺笑空爲老蠹魚

九日和寄菴先生

萬里重陽作苦吟海城風雨氣蕭森非關此地無
秋菊恐觸東籬歸去心

雨中和寄菴先生西鄰石歌

星妃偶失支機石天遣六丁求不得海城昨夜隱

光怪乃在西家一墻隔。隔墻可望亦可卽疑瘦不
瘦老蛟脊斑斑剝剝生鐵花。更說雷公磨斧迹。滇
南老人餐霞客。聞此忻然吟其側。左手摩挲右手
捫。自言我有潭西宅。陶家松菊看不足。海上靈異
肆搜索。星精幸此墮天上。七尺珊瑚非奇特。如何
一拜方再拜。側面旁峯看石色。忽驚風雨滿城秋。
石頂壓雲雲如墨。豈將作其鱗之而攝去蒼茫不
可測。石乎石乎此沉寂。縱不自言亦自惜。墻東鴉
噪歸去來。蕭蕭落葉暮天碧。

雪樵詩集四

五

晚秋送愚溪歷下兼寄梁懷興

平陵古城郭。三百里秋風。此去鵲華外。正當烟雨
中。泛湖還舊舫。採菊剩殘叢。倘遇梁居士。道余攜
釣筒。

雨中口占

海雨晝冥冥。行人去不止。落葉古城頭。飢鳥啄槐
子。

九月十三日黃河決二十六日大水注利津

城下感而有作

戰餘民力始歸田，刀箭遺痕尚宛然。時川楚始平孤子
又聞取淇竹，頓邱誰與起龍淵。不分牛馬金堤外，
直下龍鼉渤海邊。亦欲八枝尋舊跡，可堪空讀水
經篇。

爲熊秀峯題畫

一石螺欲青，一石鴉微黑。靈秀何年鍾，有蘭生其
側。昨宵月墮水西宅，十步香來尋不得。美人長嘯
坐橫琴，霏微露濕空山色。

春日利津

雪樵詩集四

六

決流千里溢東津，浩漫誰知冬復春。重問九河無
故道，能言三策是何人。城根龍鬪灘初下，浦口鼉
鳴雨又頻。爲語陽侯急回挽，無辜哀此水鄉民。

雨後呈楊漱香明府

禱雨有仙令，行雲無懶龍。雲生一溪曲，雨過百花
重。驅犢誰家客，賽神何處鐘。早知繞桑柘，爭喜此
爲農。

寄菴先生移居

海氣半烟霞，官閒未有衙。移居常似客，容膝便爲

家。墻。古。盤。蝸。殼。簾。晴。撲。棗。花。夜。來。坐。明。月。幾。遍。讀。
南華。

寄孟柳谷

歷下幾千古。烟蒼水半城。忽聞孟東野。來此聽秋
聲。我欲著青笠。因之載酒行。未知釣明月。何處一
舟橫。

歷下別孫彤揆

憶出武陽郭。烟村攜共遊。蒼茫一爲別。風雨幾經
秋。可喜猶青眼。不堪先白頭。如何歷下水。明日又
雪樵。詩集四
分。流。

冬日送寄菴先生入覲

海上一官久。單車謁帝京。內臣爭問姓。
天子早知名。冰雪寒方重。身家老更輕。丹墀有召
對。定不負生平。

留別胡曉帆大使

時值冬景

豈不懷知己。寄書言別離。去緣爲客久。歸恨識君
遲。村樹雪雲凍。野橋冰岸支。細吟傾臘酒。空憶擁
爐時。

客夜贈別石子真

彼蒼生我輩當不止清貧縱使無奇過終爲有用
人海城冰雪厚客夜僕僮親明日還離別酌君休
厭頻

贈黃雲亭少府

得俸無嫌薄投閒能自寬琴書仍在手妻子不隨
官對客評花史呼童補藥欄南昌有仙尉誰共此
間看

客夜見匡玉泉因問李五星王丹柱宋步武

雪樵詩集四

消息有贈

海上苦吟客心中祇數人大都有奇氣相與共清
貧風雨飄殘夜雲山隔暮春誰知問吾子消息得
來真

贈牟盧坡

心細從如髮苦吟愁未工搜羅極山水刻劃到魚
蟲斷硯石床側古琴松雨中夜來鐘度處幽思幾
摩空

懷李五星

幾年衰與笠寄迹雨烟中人以拙將老詩因窮益
工秋高山骨瘦天遠海門空想見草堂寂苦吟松
徑風

和寄菴先生鳳石館看海棠有作

花亦如名士賞心長恐難誰知新雨後偏作故人
看壓樹紅雲重隔簾春睡殘徑深孤館靜幾徧倚
回欄

又題鳳石館海棠三首

記會相識碧鷄坊何日移來滿院香寄語石家金

雪樵詩集四

屋好不如羅隱在錢塘

半日瀟瀟雨有聲血痕空此染猩猩何人再奏通

明殿不乞春陰乞晚晴

畫手人間更有誰爲君作意訪徐熙莫須苦憶梅

爲聘恐是綠肥紅瘦時

送張春岩先生之官東阿

學不忘平日心期到古人雲邊孤鶴迴琴外一官

貧入境訪遺老下車鋤莠良定知膏雨後草木盡

逢春

雪泉呈寄菴先生

池方可種魚門小不容車偶此間爲客時還坐讀
書暗泉聲細細晴柳影疏疏得似潭西石烟青煮
茗餘

春夜聽同館人讀書聲

衆響尋無迹殘燈剔更明書中同此韻讀出各爲
聲水近雨烟細夜深花樹平倚欄聽未已泱泱石
泉清

雪泉卽事

雪樵詩集四

半城湖水邊吟社午餘天石引過橋蘚池通隔院
泉依欄花帶雨讀書壁藏烟縱不神山住誰知亦
列仙

送李瑤峯刺史南歸

所學期無負全功計日成人方理袍笏此已謝簪
纓退步中流勇歸身萬里輕舊山憶幽契定遣白
雲迎

送寄菴先生終養歸寧州二首

竟此長投版穿雲一騎單 朝廷重清吏菽水戀

餘歡遣使曾封餉，循陔早拆蘭。尋常知止意，漫作二疏看。

豈不勤，王事春暉報恐疎。一身猶健日，萬里始歸餘。紡績挑燈火，看花御板輿。捧觴將進酒，綵袖意何如。

又題寄菴先生潭西草堂圖卽爲送別二首
小試開山手，鑿雲堂已成。墻陰藏雨氣，簷際落潭聲。人下簾枯坐，鶴穿林獨行。月泉吟社後，對此有餘清。

雪樵詩集四

十一

白奉鸞書召，此堂局不開。多應積舊雨，半是長春苔。老屐一雙在，輕身萬里回。早知高卧去，無復出山來。

送愚溪世兄從寄菴先生南歸

萬里舊鄉井，鯉庭歸思催。地盤江北盡，天近日南開。風雨晨昏共，雲山笑語陪。潭西古松徑，長憶掃莓苔。

同張景堂納涼

小構涼棚子，當簷午作陰。蟬聲別院靜，簾影古堂深。

深文喜無時樣棋嫌有劫心始知能避熱城市亦山林

送別孫瓶山

坵

霞起赤城日天台憶舊遊
依人一爲客作賦幾登樓
長劍防輕試明珠恐暗投
感懷有知己此別莫生愁

贈徐璠圃

琛

烈士馬龍脊從戎路八千
巴江明夜火蠻洞捲秋烟
刀箭瘢猶在功名事可捐
歸來親未老官小亦

雪樵詩集四

五

欣然



